



ԵԴ/66944/02/22

ՀՀ ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ
ԸՆԴՀԱՆՈՒՐ ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ

Ո Ր Ո Շ ՈՒ Մ

ՀԱՅՑԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ ԵՎ
ԳՈՐԾԸ ԳՐԱՎՈՐ ԸԼԹԱՑԱԿԱՐԳՈՎ ՔՆՆԵԼՈՒ ՄԱՍԻՆ

12 հունվարի 2023թ.

ք.Երևան

ՀՀ Երևան քաղաքի առաջին աստիճանի ընդհանուր իրավասության քաղաքացիական դատարանը /այսուհետ՝ դատարան/, նախագահությամբ դատավոր Ալֆրեդ Վարդանյանի, ծանոթանալով <<Տեխոսմարտ>> ՍՊ ընկերության հայցադիմումին.

Պ Ա Ր Զ Ե Ց

<<Տեխոսմարտ>> ՍՊ ընկերության ներկայացուցիչ Մանուշ Եսայանը 2022թ. դեկտեմբերի 29-ին դատարան է ներկայացրել հայցադիմում ընդդեմ ՀՀ ոստիկանության՝ ՀՀ Ո ԷԱՃԱՊՁԲ-ՎԿԱՅԱԿԱՆ/2022/36-ՃՈ-1 ծածկագրով պետության կարիքների համար ապրանքի մատակարարման պայմանագրի կամ դրա մի մասի կատարման արդյունքների վերաբերյալ պատասխանողի 20.12.2022թ. թիվ 01 և 23.12.2022թ. թիվ 02 արձանագրություններն անվավեր ճանաչելու, և որպես հետևանք՝ հայցվորի կողմից մատակարարված ապրանքներն ամբողջությամբ ընդունել և վճարել պարտավորեցնելու պահանջների մասին:

Նշված հայցադիմումը դատարանի Աջափնյակ-2 նստավայր ստացվել և դատավոր Ա.Վարդանյանի աշխատակազմին է հանձնվել միայն 2023թ. հունվարի 09-ին:

Հայցադիմումը ներկայացված է ՀՀ քաղաքացիական դատավարության օրենսգրքի 120-122 հոդվածների պահանջներին համապատասխան, ինչպես նաև համապատասխանում է ՀՀ քաղաքացիական դատավարության օրենսգրքի 27.2 գլխով սահմանված պահանջներին:

Հայցադիմումի ընդունումը մերժելու կամ հայցադիմումը վերադարձնելու հիմքեր չկան:

ՀՀ քաղաքացիական դատավարության օրենսգրքի 234.5 հոդվածի 2-րդ մասի համաձայն՝ զնումների հետ կապված վեճերը քննվում և լուծվում են հայցադիմումը վարույթ ընդունելուց հետո՝ երեսուն օրվա ընթացքում. Դատարանի պատճառաբանված որոշմամբ սույն մասով նախատեսված ժամկետը կարող է երկարաձգվել մեկ անգամ՝ մինչև տասն օրացուցային օրով:

ՀՀ քաղաքացիական դատավարության օրենսգրքի 234.9 հոդվածի 1-ին մասի համաձայն՝ դատարանը սույն գլխով նախատեսված վեճերով զործերը քննում և

դրանց վերաբերյալ վճիռները և որոշումները կայացնում է գրավոր ընթացակարգով, բացառությամբ այն դեպքերի, երբ դատարանը գործին մասնակցող անձի միջնորդությամբ կամ իր նախաձեռնությամբ եկել է եզրահանգման, որ անհրաժեշտ է գործը քննել դատական նիստում:

Տվյալ դեպքում, առնվազն հայցադիմումը վարույթ ընդունելու փուլում, առկա չէ գործը գրավոր ընթացակարգով քննելու անհնարինություն, հետևաբար դատարանը գտնում է, որ գործը ենթակա է քննության գրավոր ընթացակարգով: Միաժամանակ, գործի քննության արդյունքով կայացվող եզրափակիչ դատական ակտը կհրապարակվի դատական իշխանության պաշտոնական կայքի միջոցով 2023թ. փետրվարի 10-ին:

Ղեկավարվելով ՀՀ քաղաքացիական դատավարության օրենսգրքի 125, 199-200, 201, 234.5-234.9 և 361 հոդվածներով՝ դատարանը


Ո Ր Ո Շ Ե Ց

1. <<Տեխտամարտ>> ՍՊ ընկերության ընդդեմ ՀՀ ոստիկանության՝ ՀՀ Ո ԷԱՃԱՂՁԲ-ՎԿԱՅԱԿԱՆ/2022/36-ՃՈ-1 ծածկագրով պետության կարիքների համար ապրանքի մատակարարման պայմանագրի կամ դրա մի մասի կատարման արդյունքների վերաբերյալ պատասխանողի 20.12.2022թ. թիվ 01 և 23.12.2022թ. թիվ 02 արձանագրություններն անվավեր ճանաչելու, և որպես հետևանք՝ հայցվորի կողմից մատակարարված ապրանքներն ամբողջությամբ ընդունել և վճարել պարտավորեցնելու պահանջների մասին հայցադիմումն ընդունել վարույթ:

2. Գործի քննության արդյունքով կայացվող եզրափակիչ դատական ակտը հրապարակել դատական իշխանության պաշտոնական կայքի միջոցով 2023թ. փետրվարի 10-ին:

3. Որոշումն ուժի մեջ է մտնում կայացման պահից և բողոքարկման ենթակա չէ:

ԴԱՏԱՎՈՐ՝



ԱԼՖՐԵԴ ՎԱՐԴԱՆՅԱՆ